

Nuna tamakkerlugu tusagassiutinut naqitanut ingerlatsinermut tapiissuteqartarneq pillugu Namminersorlutik Oqartussat nalunaarutaat

Kulturikkut ingerlatsineq sunngiffimmilu sammisassaqaartitsineq pillugit Inatsisartut peqqussutaanni nr. 10, 21. maj 2002-meersumi § 31 naapertorlugu aalajangersarneqarpoq:

Kapitali 1

Atuuffia

§ 1 Naalakkersuisut aningaasaliissutinik aningaasanut inatsimmi aalajangersarneqartut iluanni nuna tamakkerlugu tusagassiutinut naqitanut inuiaqatigiinnut paasissutissiisarnermik siuarsaallutik aamma tamat oqartussaaqataatillugit oqallitsitsillutik suliaqartunut ukiumoortumik ingerlatsinermut tapiissuteqartarput.

§ 2 Tapiissutit nutaarsiassanik soqutiginaatilinnillu imamikkut kalaallinut atuartartunut imaluunniit nunani allani pisunik kalaallinut soqutiginarsinnaasunik nalinginnaasumik naqiterititsinermut tapiissutitut tunniunneqartarput.

Imm. 2. Tusagassiorfik arlaannaanulluunniit attuumassuteqanngitsutut isigineqassanngilaq:

- 1) Pisortani oqartussanit, suliffeqarfinnit imaluunniit ingerlatseqatigiiffinnit pisortanit aningaasalersorneqartunit assigisaannilluunniit tamakkiisumik ilaannakortumilluunniit pigineqarpat imaluunniit
- 2) tusagassiorfiup minnerpaamik affaa sulisitsisunit, sulisartunit, suliffeqarfinnit assigiimmik suliaqarfinnit soqutigisaqatigiinnilluunniit pigineqarpat, matumani ilanngullugit politikikkut partiit.

Imm. 3. Tusagassiutit naqitat ima paasineqassaaq aviisit, atuagassiat saqqummersartut imaluunniit atuagassiat assigisaat.

Kapitali 2

Tapiiffigineqarnissamut piumasaqaatit

§ 3. Tapiiffigineqarnissamut piumasaqaataavoq:

- 1) tusagassiorfik namminersortuussasoq, takuuk imm. 2,
- 2) tusagassiorfik Kalaallit Nunaanni angerlarsimaffeqassasoq
- 3) tusagassiorfik piffissaq tapiissuteqarfusoq tamakkerlugu akisussaasuusumik aaqqissuisoqassasoq,
- 4) tusagassiorfik aaqqissuisunik sulisoqassasoq, taakkulu akisussaasuulluni aaqqissuisoq ilanngullugu minnerpaamik ukioq naallugu sulisinnaasut pingasuussasut,
- 5) tusagassiorfik minnerpaamik sapaatit akunneranut ataasiarluni nuna tamakkerlugu naqitanngorluni saqqummertassasoq,
- 6) tusagassiorlutik namminersorlutik suliaannik imaqarlutik saqqummertassasut, pingaartumik

naalackersuinermut inuiaqatigiinnullu tunngassutilinnik sammisaqarlutik, imaasa affai pilerisaarutit ilanngunnagit nunamut namminermut, nunanut allanut, kulturimut, najukkamut tunngassutilinnik soqutiginaruuneri nutaarsiassaaneri isiginiarlugit aqqissuisunit suliarineqarsimassasut.

7) saqqummersartut inuussutissarsiutilinnut ilinniarsimasunulluunniit, sulisut peqatigiiffiut, sulisitsisunut imaluunniit suliffeqarfinnut assigiimmik suliaqarfiusunut, politikikkut partiinut imaluunniit suliffeqarfiit assigiinngitsut sulisuinut aalajangersimasunut saaffiginniinnaratik atuartartunut assigiinngitsorpassuarnut saaffiginnittuussasut,

8) minnerpaamik kalaallisut saqqummertassasut,

9) qinnuteqarnissamut piffissaliussatut aalajangersarneqartoq nallertinnagu ingerlatsinermut tapiiffigineqarnissamut qinnuteqaat Kultureqarnermut Naalackersuisoqarfimmit tiguneqareersimassasut, tak. § 4, imm. 1 aamma

10) Kultureqarnermut Naalackersuisoqarfik kingusinnerpaamik tapiiffigineqarnissamut qinnuteqaatip tiguneqarneranut peqatigitillugu naatsorsuutit kukkunersuiusumit kukkunersuiusutut nalunaarsukkamik uppersaatinillu pisariaqartunik tigusaqarsimassasut, tak. § 4, imm. 2 aamma 3.

Imm. 2 Tusagassiorfik namminersortutut isigineqassasut, tak. imm. 1, nr. 1, namminersortumik aqqissuisunut pisortaqarpat nammineerluni naqitanik nalunaarsuisinnaasumik, immikkullu saqqummersartunik pisartagaqartoqarsinnaappat.

Kapitali 3

Qinnuteqarnermi periuseq tunniussinerlu

§ 4. Ingerlatsinermut tapiiffigineqarnissamut qinnuteqaat Kultureqarnermut Naalackersuisoqarfimmeeriissasut piffissami 14. novemberimiit 1. december ilanngullugu qaammatisiutit ukiuani qinnuteqarfiusumi.

Imm. 2. Allakkatigit qinnuteqartoqassasut imarisaanilu nalunaarsimassapput qinnuteqartup kontoa, tapiiffigineqarnissamut piumasaqaatit eqqortinneqarsimaneritut uppersaatait pisariaqartut, piffissami qinnuteqaatip nassiunnerani saqqummersitsinerit amerlassusii ukiullu sinnerani saqqummersitsinissamut pilersaarutit.

Imm. 3. Kultureqarnermut Naalackersuisoqarfup qinnuteqaammik suliarinninnerminut ilaatillugu qinnuteqartoq paasissutissanut ilassutinik attuumassuteqartunik piumaffigisinnaavaa, matumani ilanngullugit tapiiffigineqarnissamut piumasaqaatit eqqortitsineritut uppersaatinik amerlanerusunik.

§ 5. Ingerlatsinermut tapiissutit tusagassiorfup ukiup tapiissuteqarfiusup iluani saqqummersitaasa amerlassusii tapiiffigineqarnissamut piumasaqaatinik eqqortitsisut tunngavigalugit tunniunneqartarput, ukiup tapiissuteqarfiusup iluani saqqummersitassanut tamarmiusunut tapiiffigineqarnissamut piumasaqaatinik eqqortitsisunut sanilliullugit.

Imm. 2. Aningaasaliissutit tamarmiusut tamakkiisumik atugassiissutigineqassapput, ikinnerpaamik qinnuteqartoq ataaseq tapiiffigineqarnissamut piumasaqaatinik eqqortitsisoq qinnuteqaateqarpat.

§ 6. Kultureqarnermut Naalackersuisoqarfup ingerlatsinermut tapiiffigineqarnissamut qinnuteqaatit pillugit aalajangiineri allaffissornikkut oqartussanut allanut suliaannagortinneqarsinnaanngillat.

Kapitali 4

Atuutilersitsinermut ikaarsaarnermullu aalajangersakkat

§ 7. Nalunaarut 1. juni 2016-imi atuutilissasut.

Namminersorlutik Oqartussat, ulloq 26 maj 2016

Nivi Olsen

/

Mikael Kristensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut